

非
售
品

閱畢請轉送別人國家興亡匹夫有責同
胞如不願作俄民第二之慘劇應將此書
多多印送喚醒國魂挽回浩劫於萬一耳

共
產

禍
國

▲民國十三年

▲五月再版

▲印行

中華民國十三年五月再版

非售品

公民叢書 第一種

孫文與共產黨

上海四川路

編輯者 公民叢書社

印刷者 公民叢書社

發行者 公民叢書社

代售處 各埠各大坊

歡迎
翻印

▲▲全國商人不可不看

▲▲我國最多中貲階給不可不看

▲▲勤儉起家之農工不可不看

▲▲華僑更不可不看

孫文與共產黨

一 緒言

二 俄國共產失敗之經過

三 中國共產黨之內幕

四 孫文勾結共產黨之原因

五 國民黨之內訌

六 孫黨對於共產運動之進行

七 結論

(一)緒言

社會秩序乃吾人日常生活之軌道。由吾人經驗疊積而成。破壞易而恢復難。故至可寶貴。社會雖日演進。循序而漸變。則秩序可保。無礙民生。即所謂進化是也。乃邇來吾國激烈暴徒。不思長計。不顧國情。日倡不破壞。無以建設之謬論。務以破壞社會秩序爲能事。以致年來人欲橫流。廉恥盡蕩。生民受塗炭之苦。國家有魚爛之象。識者憫之不意。大災人禍之廣東。年來劫運層出不窮。茲忽來共產之說。且由理論而漸趨於實現。廣州香港各報時有紀載。前尙傳信傳疑。現則百口一詞。且訓練警察。訓練黨軍。六個月內即可實行。夫大同共產。乃人類理想社會之極軌。然亦祇成爲理想。非可一蹴而登。現在世界情形如何。吾國人民程度如何。廣東一省果可以實行共產否。實行共產與粵人之利害爲如何。凡此種種。吾粵人實宜深思長慮。果

有利也。則當歡迎之。贊助之。果大害也。則宜積極反對之。屏絕之。不可任少數暴徒自由操縱。吾三千萬同胞之命運。吾國民性素屬消極。所謂各人自掃門前雪。莫管他人瓦上霜。然今日雪到門前。雖欲不理而不可得。且稍縱即逝。噬臍莫及矣。然粵人知此中內幕情形者尙少。茲就調查所得。及廣州香港各報所揭載者。分項述之。而先系以俄國共產失敗之經過。俾閱者知共產主義在世界上之情形。益了然於吾國主張共產者之黑幕。而謀對付之不可緩。此乃編者區區之微意也。

(一) 俄國共產失敗之經過

共產學說。集成於馬克思。馬氏黨徒。各國皆有。實行試驗其學說者。厥爲俄國。俄國自一九一七年（即民國六年）歐戰失敗後十一月國內即起大革命。共產黨人乘機煽動勞動階級。數日之間。即推翻革命政府。而宣告共產焉。廢止私有財產。一律

收歸國有。實行勞農專政。屏除資本家。赤黨（即共產黨號）有殺人權。誅鋤異己。殺戮甚慘。即不被殺者。亦剝奪公權。彼輩大多數無法謀生。流爲餓殍。同時又仇視知識階級。驅逐幽囚。凌虐備至。各大工廠之工程師及經理等。職亦均改用普通工人。因無學識。無經驗。諸事停滯。暗中破壞。其無形損失。比暴動時尤大。暴動時毀壞之損失。數已驚人。茲祇就鐵路一項言之。鐵橋則三千六百七十二架。路綫則一千七百餘俄里。房屋五千所。電綫十七萬三千俄里。皆被毀壞。其餘如機關庫工場貯水槽轉轍器電信機電話器等。受損失者。更不可勝紀。然因機師熟手驅散。四方駕御失宜。危險百出。撞車軼軌。死人無算。其損失更大也。農民雖有工作。但無異政府之佃傭。雖胼手胝足。僅得一飽。餘悉爲政府所徵收。無以易各種商品。因是懶惰風生。除去一家餬口之數外。再不爲羨餘之耕作。即偶或贏餘。亦多自秘。田園盡蕪。穀物

銳減。甚至食及穀種。因而各處大饑。人皆相食。其幸而逃出國外者。亦男流爲盜。女變爲娼。且到處爲人驅逐。今日上海天津日本等地。皆有拒俄運動。以防其潛入。其慘狀可想而知。又政府對於工廠商店。一律驅其廠主店主。而收歸國有。交黨人承辦。悉定罰則。監察極嚴。結果亦竟失敗。生產貿易俱銳減。而至於零。到此全國騷然。怨聲載道。高壓力亦屬無效。人類經濟原動力之利。已心益足証實。於是勞農政府。不能不廢棄共產主義。而採用新經濟政策。一九二二年（即民國十一年）恢復土地私有。恢復金錢貿易。並且漸有新興之小資本家。而社會秩序始稍復。中經六年。其間死人無數。已不可考。計物質之損失可考者。略述於下。

（一）農業 大戰前五年間。俄國每年輸出農產物。平均年逾三千三百萬布度。今則不特絕無輸出。尚須仰給外邦之援助。一九二一年收穫之數。較諸戰前約百分

三十四·三之產額。棉花則僅百分之十。其最足悲觀者。爲家畜之減少。比前戰前不過存有百分之十三至百分之二十五耳。故多數地方。殆無家畜形影。求恢復原狀。豈易事乎。

(二)工業 自新經濟政策實行後。工業生產率。已極抬高。但戰前一九一二年。國民每人之生產率。爲三十二金盧布。然至一九二二年。僅六盧布耳。一九二二年之鑛產率。較諸戰前鐵產。僅當百分之四。火油百分之五。煤炭百分之三十四耳。故產業復興之去年。其生產力僅及戰前十分之二。則當實行共產時。其產業狀況之衰頹程度。可想而知。今雖大倡吸收外資。其恢復原狀。極不易也。

(三)商業 前一九一四年市場交易額爲四十七億盧布。一九二二年則僅九億盧布。約當戰前百分之十九。俄人現購買力之減退。幾等於零。據蘇維拉政府公表

較諸戰前不過千分之一。再就其對外貿易表列於左。

年次	輸出	輸入	總數
一九一三年	一・五二。	一・三七四	二・八九四萬盧布
一九二一年	二一	二八四	二六九

兩者相比。在十與一以下。而輸出入之比率尤爲悲慘。在戰前輸出曾超過輸入。而九二一年之輸出。竟不及輸入一百分之九。若今後數年猶繼續此狀態。則俄國必至破產矣。

觀上文略舉三項。其損失已大略可知。聞從前佔收人民房屋。現已一律退回。然數年失修。大半損壞。以今日計之。僅修補莫斯科破玻璃一項。已需數百萬金盧布。由此可知欲恢復未行共產時之原狀。物質方面已可謂極難。而精神方面更無其補救。蓋當勞農專政五年間。全社會傾向於絕聖棄知。智識階級多遭殺戮。其餘則吹

鐮。道。路。瀾。跡。市。塵。文。學。哲。學。書。籍。依。廢。紙。價。出。售。各。大。學。文。科。大。半。停。辦。真。有。焚。書。坑。儒。之。浩。劫。現。雖。因。逼。於。時。勢。不。能。不。用。智。識。人。才。然。以。前。之。損。失。豈。能。償。補。之。俄。國。試。驗。共。產。之。經。過。已。略。如。上。述。然。彼。力。能。支。持。數。年。苦。心。孤。詣。與。世。界。奮。鬥。尙。特。有。純。正。黨。人。五。六。十。萬。人。據。共。產。黨。領。袖。言。共。產。黨。員。曾。逾。百。萬。人。嗣。淘。汰。不。良。分。子。現。所。存。者。悉。持。身。嚴。正。自。奉。儉。樸。殉。身。主。義。而。不。惜。者。蘇。維。埃。政。府。禁。酒。禁。娼。禁。賭。對。於。共。產。黨。員。犯。者。特。別。從。嚴。處。罰。而。犯。者。亦。絕。無。僅。有。以。如。此。之。人。格。仍。不。能。感。化。國。民。泯。除。其。利。己。心。不。能。不。採。用。武。力。赤。軍。約。百。餘。萬。人。另。高。等。警。察。無。數。緹。騎。載。道。禁。網。四。張。反。對。者。仍。腹。誹。目。怒。彼。京。聞。有。老。婦。數。百。輩。夜。深。輒。潛。赴。禮。拜。堂。默。禱。勞。農。政。府。速。倒。雖。愚。而。可。憐。然。民。心。可。知。且。連。歲。大。饑。至。人。相。食。至。此。武。力。亦。不。能。維。持。而。不。能。不。採。用。新。經。濟。政。策。矣。社。會。主。義。世。人。醉。心。共。產。理。想。亦。極。高。

妙。今俄國竟犧牲無數之生命財產以全國爲試驗場。吾人當以爲龜鑑。豈可重蹈其覆轍乎。然而吾國竟有假名攘奪之共產。黑日暮途窮之孫中山更招納之。急速進行以圖一逞矣。

(三) 中國共產黨之內幕

民國元年吾粵有所謂晦鳴學舍及心社者。大倡無政府主義。主張共產公妻。但曇花一現。未幾卽雲散煙消。吾國人久不聞共產二字矣。及民國四五年。陳獨秀辦新青年雜誌。以新文化革新運動爲該報旗幟。始而倡倫理革命。家庭革命。繼而大倡文學革命。但新舊原是相對之名。所謂新者轉瞬復成陳舊。至是不能不倡更新者。以聳震國人之耳目。於是大倡社會革命焉。新青年雜誌一變而專談馬克思主義。鼓吹共產。又在北京辦一工讀互助團。招致一班實行家庭革命之青年。爲共產之

小試驗。結果盡歸失敗。而社會主義青年團。卽從此代興。時適俄國實行共產。一般醉心馬克思學說之青年學生。加入社會主義青年團者漸多。並以爲俄國卽是天堂。可無錢而讀書。因而紛紛秘密潛赴俄國。中途被警察拘禁者有人。流離而死者有人。幸而至俄國者皆大失所望。蓋學校多已停辦。饕餮門鞠爲茂草。且其時俄國已漸恢復以物易物之制。已身無餘物。生活大苦。巧黠者遂爭稱我國共產黨代表。藉騙俄人之優待。最初爲張國燾于樹德二人。是爲第一共產黨。後至者不服。不認張于爲代表。別立一部。改稱少年共產黨。是爲第二共產黨。黑龍江學生龔某于某僑居俄境。又自稱中國共產黨。是爲第三共產黨。又有浙江人張某隻身遊俄。自稱支那共產黨之代表。是爲第四共產黨。上海學生姚某偕朝鮮人由西歐入俄。據云已有東方共產黨之組織。而已爲其專使。是爲第五共產黨。此五黨者各不相能。而皆

自以爲是。互爭正統。罵人潛僞。五花八門。俄人莫名共妙。真怪象也。我國內之共產黨。果如何。實則不外社會主義。青年團之進一步。爲陳獨秀李大釗二人所主持。蓋彼輩初勾引學生入黨。初卽爲社會主義。青年團再進一步。經主任認可。始能進共產黨。共產黨之成立。於今不過三年。彼青年團中之赴俄者。本負調查之任務。及歸而報告。則大失所望。謂四民罷工。百業停滯。坐無粗簾椅。食無白麵包。饑者滿途。怨聲載道。並謂俄國漸不能不放棄共產主義。而採用新經濟政策。則共產之名似宜棄矣。而陳獨秀對人言。謂不用問共產適用與否。我們既志在握奪政權。不能不以此爲利器。且藉以暫得俄人之接濟。卽如前次京漢路罷工風潮。其後由俄國匯到三十餘萬金。其餘可想。蓋所謂南陳北李。藉共產之名。其目的無非如此。故北大學生朱謙之。原是極出風頭。而主張革命者。亦謂「我因痛恨於獨秀。用列寧政府的

金錢來收買工人。做他野心革命的犧牲。所以對於唯物史觀之革命論者。非常失望。一（見民鐸雜誌四卷四號虛無主義者的再生一文）然獨秀猶敢發傳單。曾一次被逮入獄。尙算有些少犧牲精神。李大釗則八面觀音。手段圓滑。較諸陳氏。更下一籌。彼一方巴結吳佩孚。洛陽不絕。見其踪跡。對吳則謂贊助其武力。統一一方。拉攏研究。系謂聯治爲要。着同時又大倡共產。勾引學生。鼓舞學生。實行運動。工人若失敗被捕。彼則縮頭不問。故朱謙之亦謂「我因營救友人事。越覺得如李守常」即大釗別號。這般革命的實在靠不住。實在除利用青年外。沒有別的。」

（亦見民鐸四卷四號前文）李現充北京大學教職。並充吳佩孚顧問。月薪五六百元。享用優美。養尊處優。黨中貧苦學生。雖遇急難時。亦不敢望其援助。共產黨首領南陳北李。陳則好色。李則好財。人格卑鄙至此。其餘黨徒更可知矣。若將所謂共產

黨人略爲剖析。則內中約分三種。一爲指揮操縱者。皆大學畢業生。如張國燾鄧康譚平山。高尙德等。（均爲湖南人）陳李爲其首領。二爲清談言論者。如瞿秋白沈定壹等。參爲實行運動者。則俱屬中等學校青學生。或大學預科一二年級者。年紀十六歲以上二十歲以下。血氣方剛。性質未定。極易衝動。迷信所謂新潮流。不知審別。各以大英雄大豪傑自命。又被黨人所鼓動。真能出身入死。不知槍斃殺頭爲何事。如湖南罷工運動被殺之姜某。本富家子弟。人亦頗敏捷。竟以是殺身。殊可惜也。北方此種尤多。去年運動京漢路罷工。致被拘獲十餘人。本欲槍斃。後因有力者所保。釋出數人。其餘十人則拘禁於保定大監。監中已死去一人。餘者尙不知能生出否。此輩至死不知爲人利用。真可哀也。至孫黨中之共產黨人。果如何乎。姑舉二事以見一斑。廖仲凱大置產於東山。前當開民黨大會之日。曾導代表等遊其新建之東山別墅。代表某

謂君真集產能手。何必談共產乎。廖當時面赧赤而口囁嚅。良久乃謂此友人贈我者。非我搜括也。此東山產業已不下十餘萬元。另滙滬貯蓄者。則聞有二十餘萬。確數秘不令人知。卽此已足見一斑矣。又當國民黨代表初到廣州之日。第一個請議者爲北方著名土匪老洋人部下之樊鍾秀。樊席間大演共產之說。略謂咱們兄弟早已實行共產。比諸君可稱先覺。惟從前我行我素。及近日始知有社會主義共產等種種美名。兄弟不勝榮幸之至。云云。代表至有不能忍笑者。真極怪極趣之新聞也。共產黨之內幕略如此。使其得志。吾粵民其有噍類乎。

(四) 孫派勾結共產黨之原因

我國所謂共產黨。其志無非在權利金錢。故黨徒攘權奪利。互相排擠。甚至食醋爭風。種種怪狀。不一而足。內裡情形如此。雖日日犧牲血氣未定之青年。亦無裨於事。